

Na osnovu člana 66. Zakona o organizaciji organa uprave u Federaciji Bosne i Hercegovine (“Službene novine Federacije BiH”, broj 35/05), člana 14. Zakona o organizaciji i djelokrugu organa uprave i upravnih organizacija Kantona Sarajevo (“Službene novine Kantona Sarajevo”, broj 2/12 – Prečišćeni tekst, 41/12, 8/15 i 13/17), Člana 13. Zakona o zdravstvenoj zaštiti FBiH („Službene novine FBiH“, br. 46/10 i 75/13), i člana 22.stav 2. Zakona o izvršavanju Budžeta Kantona Sarajevo („Službene novine Kantona Sarajevo“, broj 6/19), Ministrica zdravstva Kantona Sarajevo, donosi

ODLUKU

O POSTUPKU ZA DODJELU NOVČANIH SREDSTAVA ZDRAVSTVENIM USTANOVAMA KANTONA SARAJEVO

Član 1.

(Osnovna odredba)

Ovom Odlukom uređuju se pitanja koja se odnose na postupak dodjele sredstava, izvještaj o namjenskom utrošku sredstava i nadzor nad utroškom sredstava od strane zdravstvenih ustanova Kantona Sarajevo.

Član 2.

(Korisnici)

Korisnici prava, u smislu odredbi ove Odluke, su zdravstvene ustanove Kantona Sarajevo, koje za novčana sredstva apliciraju u svrhu finansiranja/sufinansiranja projekata preventivne zdravstvene zaštite koji su od interesa za građane Kantona Sarajevo (u daljem tekstu: Kanton), jer doprinose unapređenju zdravlja i prevenciji bolesti.

Član 3.

(Kriteriji za dodjelu sredstava)

Projekat preventivne zdravstvene zaštite mora biti usmjeren na rano otkrivanje i suzbijanje bolesti vezano za:

- Prevenciju hroničnih masovnih nezaraznih oboljenja
- Unapređenje seksualnog i reproduktivnog zdravlja
- Unapređenje zdravlja djece i omladine
- Prevenciju bolesti ovisnosti,
- Unapređenje mentalnog zdravlja

Član 4.

Ministarstvo zdravstva Kantona Sarajevo svake godine, nakon usvajanja budžeta za tekuću godinu, vrši raspodjelu sredstava za finansiranje/sufinansiranje projekata preventivne zdravstvene zaštite.

Član 5.

(Zahtjev za dodjelu sredstava)

Zdravstvene ustanove Kantona Sarajevo dostavljaju Ministarstvu zdravstva Kantona Sarajevo zahtjev za dodjelu sredstava sa dokazima iz kojih se vidi ispunjenost kriterija utvrđenim ovom Odlukom.

Član 6.

(Dokumentacija)

Uz zahtjev je potrebno dostaviti projekat preventivne zdravstvene zaštite koji treba da sadrži sljedeće cjeline:

- naziv projekta
- opravdanost projekta
- ciljeve projekta
- organizacija rada sa metodologijom koja podrazumjeva operativni plan sa tačno naznačenim vremenskim rokovima, aktivnostima realizacije i lokacijama na kojima će se aktivnosti odvijati
- izvođači projekta - broj lica koje učestvuju u realizaciji programa sa naznačenom stručnom spremom i opisom poslova koji će obavljati,
- potrebna finansijske sredstva za realizaciju projekta
- očekivani benefiti projekta

Član 7.

(Zaključivanje ugovora)

Sa zdravstvenim ustanovama Kantona Sarajevo kojima budu odobrena sredstva, Ministarstvo zdravstva Kantona Sarajevo će zaključiti ugovore, u kojima će se regulisati međusobna prava i obaveze.

Član 8.

(Doznačavanje sredstava)

Doznačavanje odobrenih sredstava zdravstvenim ustanovama vrši se nakon zaključenja ugovora, u skladu sa operativnim planovima i raspoloživim sredstvima u Budžetu Kantona Sarajevo.

Član 9.

(Izveštaj o namjenskom utrošku sredstava)

Korisnici sredstava dužni su dostaviti izvještaj o namjenskom utrošku sredstava doznačenih iz Budžeta Kantona Sarajevo, u roku od 15 dana od dana realizacije projekta ili aktivnosti sa odgovarajućom dokumentacijom, a najkasnije do 31.01. naredne budžetske godine.

Član 10.

(Nadzor nad utroškom sredstava)

Nadzor nad realizacijom odobrenog projekta i utroškom sredstava provodi Ministarstvo zdravstva i Ministarstvo finansija Kantona Sarajevo putem budžetske inspekcije Kantona Sarajevo, po zahtjevu Ministarstva ili u okviru redovnih inspeksijskih nadzora nad utroškom budžetskih sredstava.

Član 11.

Odluka stupa na snagu danom donošenja.

Broj: 10-01-22013/19
Sarajevo, 27.05.2019.godine



MINISTRICA

Prof. dr sci.med. Amela Sofić